



Broj: 06-1-07-1-727/18  
Sarajevo, 07.12.2018. godine

Na osnovu člana 2.9 stav (1) tačka 9, a u vezi sa članom 11.13 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 53. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br: 38/14, 90/16 i 8/17), Centralna izborna komisija Bosne i Hercegovine je na 94. sjednici, održanoj 07.12.2018. godine, donijela

## O D L U K U

### o utvrđivanju rezultata posrednih izbora i dodjeli mandata delegatima u Vijeću naroda Republike Srpske iz reda bošnjačkog naroda

(1) Centralna izborna komisija Bosne i Hercegovine utvrđuje rezultate posrednih izbora za Vijeće naroda Republike Srpske iz reda bošnjačkog naroda, kako slijedi:

1. Kandidatska lista narodnog poslanika **Begije Smajić** osvojila je **jedan (1) glas - jedan (1) mandat**,
2. Kandidatska lista narodnog poslanika **Edina Ramića** osvojila je **šest (6) glasova - šest (6) mandata**,
3. Kandidatska lista narodnog poslanika **Denisa Šulića** osvojila je **jedan (1) glas - jedan (1) mandat**.

(2) Centralna izborna komisija Bosne i Hercegovine dodjeljuje mandate u Vijeću naroda Republike Srpske delegatima iz reda bošnjačkog naroda:

1. **Faruk Đozić,**
2. **Dževad Mahmutović,**
3. **Mihnet Okić,**
4. **Muris Čirkić,**
5. **Ahmet Čirkić,**
6. **Alija Tabaković,**
7. **Džemaludin Šabanović,**
8. **Igor Bošnjak.**

## O b r a z l o Ź e n j e

Narodna skupština Republike Srpske je dana 06.12.2018. godine Centralnoj izbornoj komisiji Bosne i Hercegovine dostavila akt broj: 02/4.01.-1-1965/18 od 05.12.2018. godine, te u prilogu istog cjelokupan izborni materijal u vezi sa provedenim posrednim izborima za Vijeće naroda Republike Srpske, koji čine: Izvještaj o izboru delegata u Vijeće naroda RS iz reda bošnjačkog naroda broj: 02/4.01.-1-1959/18 od 05.12.2018. godine, Odluku o usvajanju izvještaja Komisije

za izbor i imenovanje o izboru delegata u Vijeće naroda RS iz reda bošnjačkog naroda, broj: 02/1-021-1145/18 od 05.12.2018. godine, te birački spisak za izbor delegata iz reda bošnjačkog naroda u Vijeće naroda RS.

U skladu sa članom 11.10 stav (2) Izbornog zakona Bosne i Hercegovine, Vijeće naroda Republike Srpske sastoji se od 28 delegata, osam iz reda bošnjačkog, osam iz reda bošnjačkog, osam iz reda hrvatskog i četiri iz reda ostalih.

Odredbama člana 11.12 stav (4) Izbornog zakona BiH propisano je da svaki poslanik u Narodnoj skupštini Republike Srpske jednom glasa za listu unutar svog kluba delegata.

U skladu sa članom 11.13 Izbornog zakona BiH, nakon provedenog tajnog glasanja, izborni materijal i rezultati glasanja saopštavaju se Centralnoj izbornoj komisiji BiH u svrhu konačne dodjele mjesta.

Mandati se, jedan po jedan, raspodjeljuju na liste ili kandidatima sa najvećim količnicima koji proizlaze iz formule proporcionalne zastupljenosti predviđene u članu 9.5 Izbornog zakona BiH. Kada jedna lista osvoji mandat, taj mandat se dodjeljuje sa vrha liste.

Uvidom u dostavljeni materijal u vezi sa provedenim posrednim izborima za Vijeće naroda Republike Srpske iz reda bošnjačkog naroda, utvrđeno je da su, od 8 poslanika koji su imali pravo glasa, svih 8 poslanika ostvarili biračko pravo, od čega je svih 8 važećih glasačkih listića, te da su rezultati sljedeći:

1. Kandidatska lista narodnog poslanika **Begije Smajić** osvojila je **jedan (1) glas**,
2. Kandidatska lista narodnog poslanika **Edina Ramića** osvojila je **šest (6) glasova**,
3. Kandidatska lista narodnog poslanika **Denisa Šulića** osvojila je **jedan (1) glas**.

Imajući u vidu da su ispunjeni svi zakonski uslovi za utvrđivanje rezultata izbora za delegate u Vijeću naroda Republike Srpske iz reda bošnjačkog naroda, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 11.13 Izbornog zakona Bosne i Hercegovine, odlučila kao u dispozitivu ove odluke.

**Pravna pouka:** Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Predsjednik

Blanko Petrić

Dostaviti:

1. Narodna skupština Republike Srpske,
2. a/a.